



Jens-Frederik Nielsen
Inatsisartunut ilaasortaq, Demokraatit
Inatsisartut@inatsisartut.gl

Royal Arctic Linep nassiussanut akigititaminik allannguina pillugu § 37 naapertorlugu apeqquteqaammut 2023-33-mut akissut

02-03-2023
Suliap nr.: 2023 - 2602
ID nr. 84829301

Asasara Jens-Frederik Nielsen

Inatsisartut suleriaasianni § 37 naapertorlugu Royal Arctic Linep nassiussanut akigititaminik allannguina pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit ataani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Suna tunngavigalugu Royal Arctic Line nunatta avataanut angallassinermi akigitinneqartut 32 procentimik qaffannissaanik kissaateqarsimaneranut Naalakkersuisut akuersisimappat?

Akissut: Royal Arctic Line naliliivoq, maannamut pissutsit ukiuni arlaqartuni nassiussanut akinik qaffaasoqarsimannginnerata kingunerisaannik ingerlatseqatigiiffiup isertitaqarsinnaanera artorsarfilerloq. Taamatut artorsalernerup kingunerisaannik ingerlatseqatigiiffiup taarsigassarsiaqarnermut isumaqatigiissutaanni piumasaqaatit navianartorsiorititsinnaapput. Taamaattumik Royal Arctic Linep tunngaviumik isertittagai amerlisinneqarnissaat pisariaqarpoq, tassani isertitanut tunngavigineqartuni ingerlatseqatigiiffiup piffissami angallassiviunerpaaffiusumi angallassinikinnerpaaffiusumilu akiliisinaassusia eqqarsaatigineqassallutik. Kissaat taanna naammassineqarsinnaanngippat, Royal Arctic Linep taarsigassarsiaqarnermut isumaqatigiissutaasa isumaqatiginninniutigeqqinneqarnissaat, taamaalillunilu erniat qaffasinnerulernissaat naatsorsuutigineqarpoq.

Tamanna naammassiniarlugu Royal Arctic Linep 2023-mi aningaasaqarnikkut piujuartitsiviumik inissinnissaanik qulakkeerisussanngorlugit Royal Arctic Linemut ukiumut isertitat, amerlineqarnissaat pisariaqartinneqarpoq. Tamatumunnga atatillugu aqqiissutissatut toqqarneqartumi nassiussinermut akit aningaasartuutivinnut naleqqunnissaat siunnerfigineqarpoq. Kiisalu erseqqissaatigineqassaaq, kujammut avannamullu angallannermi akit naligiinnginnerisa annikillineqarnissaat naalakkersuinikkut kissaatigineqarmat, periarfissatut ilusiliami allami avannamut nassiussat suli akisunerulersinneqassappata, taamaalillunilu akit assigiinngissutaat annertunerulersinneqassappat tamanna naapertuutinnngimmat.

Avannamut nassiussinermi akinik qaffaanermi, innuttaasunut tamanut eqquisussaavoq. Pingaartumik ulluinnarni atugassanik niuertarfiit innuttaasunilu aningaasaqarnikkut atugarliornerusut akit qaffanneri malugisussaavaat, taamaattumillu aqqiissutissaq manna aningaasat nalikilliarnerinut pakkersimaarinnissutit, aammalu innuttaasunut

ataasiakkaanut nunamilu namminermi angallannermut iluaqutaasussatut toqqarneqarpoq.

Aaqqiissutissatut toqqarneqartoq misissueqqissaarnermi ingerlanneqartussami eqqarsaatigilluagassatut isigineqarpoq, tassanilu suliffeqarfissuaq misissuiffigineqassaaq, imaatigut nassiussanik assartuussinerup ilaa akuersissummiit peerneqarsinnaanersoq misissuiffigineqassalluni. Suliassaq taanna Ukiakkut Ataatsimiinnermi imm. 70-itut suliarineqartussatut pilersaarutigineqarpoq.

Apeqqu 2: Nunarsuup sinnerani assartuinikkut akit maannakkut qaffakkiartunngikkaluartut, Royal Arctic Line aamma Naalakkersuisut akitigut qaffaanissap pisariaqarneranut naliliisimanerannut suut tunngaviuppat?

Akissut: Apeqqu 2-mi nunarsuarmi niuernerme akit qaffaqqinnginnissaat, imaluunniit qaffaatit niuerfimmi inissinneqareersimasut Royal Arctic Linep ingerlatsinermut aningaasartuutaanut sunniuteqannginnissaat naatsorsuutigineqarpoq. Naatsorsutigisaaq taanna taperserneqarsinnaanngilaq. Tamatuma saniatigut apeqqu 1-imut innersuussisoqarpoq, tassanilu Royal Arctic Line 2015-imili nassiussinerme akinik allannguisimangimmat, nassiussinerme akit iluarsineqarnissaat, taamaallutillu ingerlatsinerme aningaasartuutivinnut naleqqussarneqarnissaat pisariaqartinneqartoq paasinarsisimasooq oqaatigineqarpoq.

Apeqqu 3: Ilaatigut GE aamma Royal Greenland aalisarluni inuussutissarsuiteqarnermi unammilleqatigiissinnaanermut akit qaffannerisa annertuumik sunniuteqarnissaanut ernummateqarnerat Naalakkersuisut assinganik isumaqarnerlutik? Akissut tunngavilersorneqarnissaa kissaatigineqarpoq.

- a. Tamatuma ilutigisaanik Naalakkersuisunut ajunngiinnarnerluni, assartuinerme akit qaffanneqarnerisa kingunerisaanik aalisartumut tunisinerme akit appariaateqassappata?

Akissut: Avammut nassiussinerme akit qaffaataat avammut nassiussisartunut unammillersinnaanerinut sunniuteqarnerlussasut naatsorsuutigineqartariaqarpoq. Akinik qaffaanerit tamatigut arlaatigut eqquisarput. Avammut nassiussinerme akit 32%-inik qaffanneqarnerini inuussutissarsiortut avammut nassiussisartut eqqorneqarput. Akit qaffannissaat sioqqullugu inuussutissarsiortut avammut nassiussisartut pitsaalluinnartunik, tassalu akikillilerutinik taaguuteqartinneqartunik atugassaqartinneqarput. Akit qaffannerisa kingorna inuussutissarsiortut avammut nassiussisartut suli pitsaalluinnartunik atugassaqartinneqarlutik sulisussaapput.

a-mut akissut: Apeqquummi isummerneq siunissamut eqqoriarsinnaanngisatsinnut, taamaattumillu akisinnaanngisatsinnut tunngasuuvoq.

Apeqquut 4: Pineqartumut Naalakkersuisut allanik paasissutissiisinnaanerlutik?

Akissut: Apeqquut 1-imut akissut takuuk.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Erik Jensen